

SAN TEOFALU DI CORTI

A Rinascita a donné un éclat particulier aux fêtes de la San teofalu, patron de la ville de Corti. L'atelier d'écriture corse a apporté sa contribution en écrivant ces strophes dont Paulu Santu PARIGI a assuré l'harmonisation. La voix méditerranéenne de Jackie MICAELLI en a fait monter la poésie dans une belle nuit de mai.

SÒ NATU Ghjuvan Paulu Bernardini 3^a premiu

Sò natu
Di a luce muntagna
In u sonniu chì core
Appes'à è custere

Sò natu
Materia è sole
À e grade surgente
D'un sguardu sempre apertu

Sò natu di a cugliera
Di e petre è di l'acqua
Muvimentu di a terra
À l'ora di u tassellà

Sò natu
Di a manu chì pianghje
È di a stella verde
Chì cura i zitelli

Sò natu
Libru è voce
Memoria è casa rotta
È focu mille è mille grombuli

Sò natu
Ancu dumane
Di u mare chì mi corre in pettu
È di u pratu feritu chì ci si
ghjetta

Sò natu
À u stridu di l'alba
Per ghjunghje è nasce torna
In u ventu scuppulatu

Sò natu
In a prechera
Di l'arburu à l'addisperu
D'un tuccà l'alba stella

Sò natu
Induv'ella beie a calicaloce
In a luce materna
Di u tremu è di a voce

Sò natu
In ogni locu di l'ochji
À u circulu silenziu
Di u fiore o di u granu

Sò natu
À u solcu mutale
Di l'arsura bianca
In a strada di l'acelli.

In l'annu settantasei
Corti cità di l'onori
Da Maria Madalena
È Ghjuvan'Antone Signori
Nasconse un bellu bambinu
Ammantatu di valori

Natu lu trenta d'ottore
Di nome chjamatu Biasgiu
Figliolu d'un grand amore
Di lu sole fù lu rasgiu
À u spuntà di l'albore
Rigalatu cum'è un basgiu

In la ghjesgia San Marcellu
Battizatu da Ghjesù
Di Corti era u zitellu
Incurunatu di virtù
Frate Teofalu mudellu
Pè tutta la giuventù

Cappuccinu di San Francescu
Ferma oghje un campanile
Chì ci manda tantu frescu
Fattu d'un famosu stile
Pè ramentu à Curtinesu
Di quelli santu gentile

D'una parolla benedetta
Quella chì mai si sbaglia
Ne fece un gran' discorsu
Cum'è un capu di battaglia
È si ne imbarcò pè studià
Pè issu paese d'Italia

Ne fù urdunatu prete
In l'annate settecentu
In core di giuventù
Cusì colmu di talentu
Sempre incertu à l'avvene
Trà missale è insignamentu

Cù a Madonna pè stella
Luce di a so lumera
A scelta fù prestu fatta
Rispechjà grazie è preghera
È vultò in Paese Corsu
À innalzà la so spera

Fece imurà un conventu
In paese Zuanincu
Pè salvane a so ghjente
Cù religione è istintu
È accatizzà u so focu
Pè ch'ell'ùn sia mai spintu

Ma Wurtemberg s'era impustatu
In Corti la capitale

Cun tutta a so truppa armata
Banda cusì micidiale
Teofalu tandu fece strada
Pè parà tamantu male

Senza fede nè rispettu
Tandu Genuva tirana
Fendu prede è dinaru
Opprimia l'isula sana
Ma i Corsi dritti è fieri
Funu ardenti artiglieri

À la chjama genuese
Pè spenghje l'insurrezzione
Ci era ottumila Tedeschi
Cù u focu nantu à l'armonie
È po dopu Wurtemberg
Cù tuttu u so battaglione

U principe Austriacu
Dumandò di rende fucile
Eramu in lu trentadui
Prima di a fin d'aprile
Ma u Corsu chjamò à l'arme
Ripigliendu attrazzi è arne

Fubbe una guerra feroce
D'assalti è di cannonate
Di vindette è di saccheghju
O quante ghjente scannate
Assassinii è sterminiu
D'un populu marturiatu

È u principe Tedescu
Entrò in Corti dumata
Vorse pigliassi l'Aleria
È Zuani nantu à la so strada
È li corci Zuaninchi
Timonu d'esse stirpati

Pè pudelli dà l'agrottu
Ci era la machja vicina
Ma in paese ci era risicu
D'esse cennere è pulvina
L'ora era più chè passata
Di francassi di issa ruina

Tandu preconu à Teofalu
Di buscalli lu perdonu
È u santu s'incaminò
Toccu da l'implurazione
Cù Antone di San Lurenzu
Cumpagnu di so missione

Qui trovò un certu conventu
Accampatu da sullati
Preferì casa mischina
À l'amichi è parentatu

Poi cuntentu ringraziò Diu
Di sparte cù disgraziatu

S'incuntronu Santu è sullatu
Di a sorte primurosì
Ci fù ancu un bon pittore
Per ritrattà a scena famosa
L'incontru trà tutti quanti
Santu, Patre, Principe udiosu

A pusà Principe stà
Accantu à purtellu arcatu
Da ufficiale è sentinella
Hè quell'omu circondatu
È daretu dole Corti
A cità hè minacciata

Date pietà è perdonu
Dice u frate cù dolcezza
A so cera rimira pace
Pè assaltà la furtezza
Ch'hè di i ghjusti u nostru santu
Chjama è ora la salvezza

Patre Antone dinù rittu
Pare d'esse in i penseri
Non seranu vane o Patre
Oraziò ed'altre preghere
U principe accusente
Senza nisun' straziera

Qui stanu i ritiranti
Dinù noi ci ritiremu
In Zuani Principe disse
È partinu per terre streme
U frate cusì un dilluse
Di u populu e speme

Senza danni nè puru guai
Fù u paese lasciatu
Prestu corse pè isse loche
Una fama infuriata
Un Santu per noi ci era
Chì u paese hè risparmiatu

San Teofalu fù gigliu
À parà li turbi venti
Una pura è Santa grazia
Fece piantà i lamenti
Or chì forza hè l'amore
Da strughje li patimenti

Quant'è à u frate cara matre
Dolce è più hè lu to visu
Ci desse speranze è pace
À l'eternu la to risa
Eppoi l'eterna gloria
Per noi altri in paradisu